

Miercus 22
S. Paulin di Nole

Sabide 25
S. Vielm abât

Martars 28
S. Ireneu

Il proverbi
La miserie e je une grande scuele



Il soreli
Ai 22 al jeve aes 5.14
e al va a mont aes 21.03

Joibe 23
S. Lanfranc vescul

Domenie 26
S. Vigjili vescul

Il timp
Cjalt e zornadis plui umidis

Lis voris dal mès
Se a 'nd è masse, gjavait lis menadis
des plantis di pomodoro



La lune
Ai 27 ultin cuart

Vinars 24
Nativitât di Sant Zuan Batiste

Lunis 27
S. Ciril di Alessandrie

la GNOVE

GLEMONE ÎR, VUEI E DOMAN Voris, ancje sul taramot, dentri dai 31 di Otubar



Il comun di Glemone, tal inovâl dai cuarante agns dal taramot e a ricuart di pre Pieri Londar a 30 agns de sô muart, al à bandît la XX edizion dal concors par assegnâ il premi in lenghe furlane «Glemone îr, vœi e doman».

Il concors si compon di trê sezions: la prime dedicate a un lavôr di narative in lenghe furlane; la seconde par un lavôr di didatiche dal insegnament in lenghe furlane intes scuelis de infanzie, primariis o secondariis di prin grât; la tierce, riservade ai fruts des scuelis primariis o secondariis di prin grât, par un test in lenghe furlane. Ae prime sezion, vierte a duçj, si concor cuntun lavôr di narative par fruts di no plui di undis agns, par furlan, che al rivuardi il taramot dal Friûl tal 1976 (te foto: Glemone sdrumade ai timps dal taramot). Par cheste sezion a son proviodûts trê premis: il prin di 500 euros, il secont di 300 euros e il tierç di 200 euros. Duçj i lavôrs a varan di rivâ alî dal Comun di Glemone dentri dai 31 di Otubar. Lis premiazioms si daveuzaran a Palaç Boton ai 8 di Dicembar. Par informazioms si pues indreçâsi al Uffici relazioms cul public sorecomunâl pe lenghe furlane, sede di Glemone, in orari di ufici (telefon 0432/973239).

Lunis ai 27 di Jugn, presentazion «in noturne», tai prâts stabii di Basandiele, dal libri «Sul Troi di Aquilee» di Christian Romanini

«Imparonînsi dal teritori»



la sô identitât. Ma al è come che al fevelàs a duçj i fruts furlans scuasi che e fos une necessitât chê di tornâ a imparonâsi des lidris. E de lôr tiere. La presentazion tai prâts stabii di Basandiele, dulà che Romanini al leiarà cualchi toc dal so libri, e vûl dâ propit un messaç «politic»: «Tornin a scuvierzi a pît la bielece dal nestri teritori, che al è ancje culture – al dîs Romanini –. E tornin a riappropriâsi dal nestri teritori, che al è lûc di vite e di storie».

Par cui che al à voie di partecipâ ae cjaminade leterarie, inmaneade cul supuart de Onlus «Ignazio Piussi», si consein vistîts comuts e scarpis par cjaminâ, une lûs avonde fuarte. Tor 10 di sere si tornarà in ostarie par un tai in compagne. Se al ves di jessi brut timp, si restarà tal locâl.

ERIKA ADAMI

TAL AN TALIAN DAI CJAMINS, un libri sul cjaminâ (e no dome) al ven presentât cuntune cjaminade. «Sul Troi di Aquilee» (edizioms Glesie Furlane) di Christian Romanini, dopo diversis presentazioms ator pal Friûl, al sarà protagonist di une serade «tal viert» lunis ai 27 di Jugn. Apontament aes 8 e mieze di sere, li de Storiche Ostarie Cavicj, a Basandiele di Cjampfuarmit, cognossude aromai tant che ricet in planure, stant che e je diventade pont di incuintri par duçj chei che a amin la mont e lis ativitâts a contat cu la nature. «Tor lis 9 e un cuart – al conte Romanini – o impiarin i ferâi e o partirin «per agros» par une cjami-

nade leterarie in noturne tai prâts stabii di Basandiele (te foto parsore), che a son un patrimoni di tignî cont».

«Sul Troi di Aquilee» al è un diari di viaç in lenghe furlane che al descriç i prins setante chilometri, di Barbane a Madone di Mont, dal Iter Aquileiese, plui cognossût tant che «Cammino Celeste», che chest an al fâs dîs agns: un impuartant itinerari religjôs internazionâl che al tocje Friûl, Austrie e Slovenie, leant trê santuaris marians furlans (Barbane, Madone di Mont e Mont Sante dal Lussari, passant par Aquilee, glesie mari dal Friûl).

L'autôr al dediche il libri a so fi, Lorenzo. I conte la tiere là che al fonde lis sôs lidris,

A Coritis e tal dulintor

Il borc di Coritis, in Val Resie, lis baitis antighis di Berdo, ai pits dal Canin, i savôrs dal agriturisim malghe Coot. A son i «ingredients» de escursion di domenie ai 26 di Jugn, vuidade di Leila Meroi. Puest di cjatâsi: bar «All'arrivo» a Stolvize di Resie, aes 8 e un cuart di matine. Info al 0433/53534.

Storie de art furlane in lenghe/72..... Bortul dal Voli e la sô buteghe


LA SCULTURE DI LEN tal Cincent si è svilupade pal supuart de policromie, ma soredu par vie dai coscj, che a jerin une vore competitivis, scuasi la metât de sculture di pier. Cussì, la sculture di pier e lasse il primât a chê di len, che e varà une ecezionâl floridure par opare di mestris locâi, e soredu tai altârs, avantazâts da lis pussibilitâts technichis e dai impuartants prodots come l'aur e i colôrs, che a corispundin miôr a lis domandis dai cometidôrs, dant un prodot no dome di sculture, ma di architettura, di piture e di oresinarie.

In chei timps la sculture venite e jere une vore preseade e ancje i scultôrs furlans a varan viodût cualchi lavôr, ma a ribatin la lôr autonomie artistiche. Lis anconis furlanis a àn di sigûr come stamp lis palis a ricuadri, tant che in altris regions, che a jerin nassudis di gnovis esigjencis esteticis. Ma cuant che i nestris artiscj a àn volût rompi il scheme nus àn dât des oparis grandiosis. Tra dutis, o podin ricuardâ la monumentâl ancone di Morteian di Zuan Martini, che o fevelarin plui indenant.

Il grant studiôs pre Bepo Marchet, che al à dât un impuartant contribût pe cognossince di cheste art, al à dividût i intaiadôrs in trê fameis principâls, scuasi una dinastie di artiscj, che si tramandin la buteghe fin al Cincent e plui indenant: chê di Bortul dal Voli, cun siet artiscj tra fis e nevôs, chê dai Candussio Mion di Tumieç, che cui fis e nevôs Domeni e Martin si divit in doi rams, e daspò chê dai Floreans.

Tachin a fevelâ di **Bortul di Blâs**, plui cognossût come «dal Voli», par vie che la tabele difûr de buteghe te centrâl vie Marçjât Vieri a Udin e puartave un triangul cul voli divin. La buteghe e je di cualchi an plui viere di chê di Domeni di Tumieç. Natîf di Sant Vit dal Tiliement, a Udin al è documentât dal 1466 al 1510, e al murî di peste. Di dute la sô produzion in len e reste la Madone cul Frutin te glesie di Sante Marie di Stracis dongje Codroip, dal 1506, di fature pluitost comune, realizade sul stîl tart gotic, che nol lasse spiegâ la sô grande popularitât, che e faseve pensâ a un alt nivel artistic des sôs oparis. Di pôcs agns si è podût assegnâ a lui il Crucifis che al è tal domo di Udin. Ancje cheste opare no fâs che riproponi il donatelism dal secont Cuatricent cu la grinte dai sants immunonâts come chei di Jacobello des Masegne, cuntun riclam te sfere dal venit, ancje se rinovât dai apuarts toscans.

Tra chestis dôs oparis nol è facil meti il Sant Nicolò de gleseute di Sant Gregori di Davian.



Te foto: la Madone cul frut di Bortul dal Voli tal Museu diocesane e Galariis dal Tiepolo di Udin.

Prime al fo assegnât a Domeni di Tumieç e po dopo passât a Bortul dal Voli, di fature za dal Rinassiment. Par altri chest lavôr al podarès indicâ la vere part dal stes Bortul te educazion dute umanistiche chel al à dât al so arlêf Antoni Tironi.

Ancje i trê fis di Bortul – Vicenç, Laurinç e Marc – si son inscuelâts te buteghe e a deven-tin ancje lôr intaiadôrs.

Une altre buteghe e je chê di Florean di Centine, fi e nevôt di artiscj pitôrs, che a àn lavorât cun Bortul dal Voli in vie Marçjât Vieri a Udin. O savin che Florean al murî tal 1512. Nol è restât nissun so lavôr, si sa però che la buteghe e je lade indenant cui fis e nevôs par dut il secul.

BEPi AGOSTINIS



Onoranze Funebri

SORDO

di Sordo Gianni

**SERVIZI COMPLETI PERSONALIZZATI
E CONVENZIONATI OVUNQUE RICHIESTI**

Servizio fotografico • Servizio necrologie
Servizio condoglianze • Servizi cimiteriali
Disbrigo pratiche e servizi cremazione
Allestimento camere ardenti • Vestizione,
cosmesi e tanatoestetica • Trasporti nazionali ed esteri
Pubblicazione necrologie su quotidiani
Organizzazione servizio funebre a domicilio
Passaporto mortuario • Addobbi floreali in arte funeraria

REPERIBILITÀ 24/24H

ONORANZE FUNEBRI SORDO - 33030 BUJA - Via Prà di Tòs, 3
Tel. **0432.960189** - Cell. **3356787204** GIANNI
o.f.sordo@libero.it - www.onoranzefunebri-sordo.com